

四庫全書

經部

欽定四庫全書

經部

周官集注卷五

詳校官監察御史<sub>臣</sub>施朝幹

刑部郎中<sub>臣</sub>許兆椿覆勘

覆校官侍講<sub>臣</sub>劉亨地

校對官待詔<sub>臣</sub>胡士震

謄錄監生<sub>臣</sub>俞昌言

欽定四庫全書

周官集注卷五

翰林院侍講銜方苞撰

春官宗伯第三

天地中和之氣備于春宗伯掌禮以教民中掌樂以教民和故曰春官宗尊也伯長也

惟王建國辨方正位體國經野設官分職以為民極乃立春官宗伯使帥其屬而掌邦禮以佐王和邦國

禮謂五禮其別三十有六舜命伯夷典三禮曰汝作  
秩宗國語曰使名姓之後能知四時之生犧牲之物  
玉帛之類采服之宜彝器之量次主之度屏攝之位  
壇場之所上下之神祇氏姓之所出而率舊典者為  
之宗

禮官之屬大宗伯卿一人小宗伯中大夫二人肆師下  
大夫四人上士八人中士十有六人旅下士三十有二  
人府六人史十有二人胥十有二人徒百有二十人

肆猶陳也肆師佐宗伯陳列祭祀之位及牲器粢盛  
鬱人下士二人府二人史一人徒八人

鬱鬱金香草也以和鬯

鬯人下士二人府一人史一人徒八人

鬯釀秬為酒芬芳條暢于上下也秬如黑黍一稊二  
米

雞人下士一人史一人徒四人

司尊彝下士二人府四人史二人胥二人徒二十人

彝亦尊也實鬱鬯者曰彝彝法也言為尊之灋也

司几筵下士二人府二人史一人徒八人

筵亦席也鋪陳曰筵藉之曰席尚書敷重底席禮記天子之席三重則筵亦可通謂之席

天府上士一人中士二人府四人史二人胥二人徒二十人

府以天名尊所藏若天物然

典瑞中士二人府二人史二人胥一人徒十人

瑞信節也其職曰掌玉瑞玉器之藏事神所用為多  
故列于禮官

典命中士二人府二人史二人胥一人徒十人

命謂王命官冊書古者命賜羣下必于祖廟故冢宰  
詔王以爵祿馭羣臣而典命司服則列于禮官

司服中士二人府二人史一人胥一人徒十人

典祀中士二人下士四人府二人史二人胥四人徒四十人

十人

守祧奄八人女祧每廟二人奚四人

遠廟曰祧藏遷主焉廟祧之辨鄭氏王氏說詳見禮記王制孔疏守祧用奄與女奚者豈祭祀雖無女尸而先后朝祭服及遺器亦藏于祧與○疏天子七廟通姜嫄廟為八奄每廟一人

世婦每宮卿二人下大夫四人中士八人女府二人女史二人奚十有六人

此女官設府于內以掌后宮之禮者上自王后下及



內外宗皆其所教以外命婦有齒德者為之所謂女  
傳也內宰自外而治內春官世婦自內而達外必如  
此法制乃備或以為即天官之世婦誤矣

內宗凡內女之有爵者

內女王同姓之女有爵適大夫及士者曰凡無常數  
也

外宗凡外女之有爵者

外女王諸姑姊妹之女九嬪世婦女御為治官之屬

內外宗為禮官之屬皆制禮之精意

冢人下大夫二人中士四人府二人史四人胥十有二人徒百有二十人

冢封土為邱隴象冢而為之爾雅山頂曰冢

墓大夫下大夫二人中士八人府二人史四人胥二十人徒二百人

職喪上士二人中士四人下士八人府二人史四人胥四人徒四十人

職主也○莊渠魏氏曰孝子荒迷中弗能如禮故特設官相之先王之體羣臣可謂至矣

大司樂中大夫二人樂師下大夫四人上士八人下士十有六人府四人史八人胥八人徒八十人

大胥中士四人小胥下士八人府二人史四人徒四十人

大師下大夫二人小師上士四人瞽矇上瞽四十人中瞽百人中瞽百有六十人眡瞭三百人府四人史八人

胥十有六人徒百有二十人

無目眊謂之瞽有目眊而無見謂之矇有目無眸子謂之瞶矇目明者樂歌必用瞽者以其審于聽也

典同中士二人府一人史一人胥二人徒二十人

同陰律也不以陽律名官者同者同于律也曰典律不足以包同曰典同則律可知矣

磬師中士四人下士八人府四人史二人胥四人徒四十人

鍾師中士四人下士八人府二人史二人胥六人徒六十人

笙師中士二人下士四人府二人史二人胥一人徒十人

鐃師中士二人下士四人府二人史二人胥二人徒二十人

鐃如編鍾而大視大鐃則小獨在一簋國語曰細鈞有鍾無鐃尚大故也大鈞有鐃無鍾尚細故也

韎師下士二人府一人史一人舞者十有六人徒四十人

韎東夷之樂鞀鞀氏掌四夷之樂而特設韎師蓋周起岐雍其化先行于南次及于北而東方獨阻風教商奄既誅淮夷徐戎尚為魯患故特設一官肄東夷之樂以志王化之難成職方首揚州亦此義也

旄人下士四人舞者衆寡無數府二人史二人胥二人徒二十人

旄旌牛尾舞者所持以指麾

籥師中士四人府二人史二人胥二人徒二十人

籥舞者所吹

籥章中士二人下士四人府一人史一人胥二人徒二十人

吹籥以為詩章

鞀鞀氏下士四人府一人史一人胥二人徒二十人  
鞀讀如屨鞀鞀四夷舞者之所屣也

典庸器下士四人府四人史二人胥八人徒八十人  
庸功也古者有功多鑄器以銘之春秋傳季武子以  
所得于齊之兵作林鐘而銘魯功焉

司干下士二人府二人史二人徒二十人

干舞者所持謂楯也春秋傳萬者何干舞也

大卜下大夫二人卜師上士二人卜人中士八人下士  
十有六人府二人史二人胥四人徒四十人

問龜曰卜



龜人中士二人府二人史二人工四人胥四人徒四十人

工攻龜

華氏下士二人史一人徒八人

焦煖用荆華之類即士喪禮所謂楚煇也

占人下士八人府一人史二人徒八人

占著龜之卦兆吉凶

筭人中士二人府一人史二人徒四人

問著曰纂其占易

占夢中士二人史二人徒四人

眡祲中士二人史二人徒四人

祲陰陽相侵漸成祥者春秋傳魯梓慎曰吾見赤黑  
之祲

大祝下大夫二人上士四人小祝中士八人下士十有  
六人府二人史四人胥四人徒四十人

喪祝上士二人中士四人下士八人府二人史二人胥

四人徒四十人

甸祝下士二人府一人史一人徒四人

詛祝下士二人府一人史一人徒四人

司巫中士二人府一人史一人胥一人徒十人

古者民之精爽不攜貳者神明降之在男曰覲在女  
曰巫聖人用之使制神之處位次主

男巫無數女巫無數其師中士四人府二人史四人胥  
四人徒四十人

大史下大夫二人上士四人小史中士八人下士十有  
六人府四人史八人胥四人徒四十人

王氏詳說曰王藻曰左史書動右史書言以左傳考  
之左史即大史右史即內史襄二十五年載齊太史  
書崔杼之事非書動乎僖二十八年載王命內史策  
命晉侯非書言乎

馮相氏中士二人下士四人府二人史四人徒八人

馮乘也相視也世登高臺以視天文之次序天文屬

太史月令曰乃命太史司天日月星辰之行

保章氏中士二人下士四人府二人史四人徒八人

保守也世守天文之變

內史中大夫一人下大夫二人上士四人中士八人下士十有六人府四人史八人胥四人徒四十人

孫偉夫曰史官為宗伯之屬以宗廟典籍具存非博通之士莫能勝任也

外史上士四人中士八人下士十有六人胥二人徒二

十人

御史中士八人下士十有六人其史百有二十人府四人胥四人徒四十人

巾車下大夫二人上士四人中士八人下士十有六人府四人史八人工百人胥五人徒五十人

巾猶衣也

典路中士二人下士四人府二人史二人胥二人徒二十人

路王所乘車

車僕中士二人下士四人府二人史二人胥二人徒二十人

王志長曰戎僕已列五僕中而春官復設車僕專掌戎路之政意者先王以禮齊天下而師旅之事彊力先發為尚故特以屬禮官與

司常中士二人下士四人府二人史二人胥四人徒四十人

都宗人上士二人中士四人府二人史四人胥四人徒四十人

家宗人如都宗人之數

凡以神士者無數以其藝為之貴賤之等

王氏曰藝即掌三辰之法以猶鬼神示之居辨其名物

大宗伯之職掌建邦之天神人鬼地示之禮以佐王建保邦國



李耜卿曰邦禮有五獨言掌吉禮者禮有五經莫重于祭舉首以該終也建立也保安也正倫理則立篤恩義則安上下各得其所而皆安故曰建保邦國也以吉禮事邦國之鬼神示

國家無故上下和睦以事天地宗廟百神乃人事之最吉者故曰吉禮喪疾禍亂則祀事不能舉矣都家鄉邑皆有鬼神示之祀此不言者統于邦國也○邱氏曰上言神鬼示上下也此言鬼神示内外也

以禋祀祀昊天上帝以實柴祀日月星辰以禋燎祀司  
中司命觀師雨師

禋之言煙周人尚臭煙氣之臭聞者實柴實牛柴上  
也禋積也詩曰芄芃棫樸薪之禋之司中三能三階  
也司命文昌宮星或曰虛宿下有司命星主人壽夭  
觀師箕也雨師畢也三祀皆積柴實牲體燔燎而升  
煙各舉其一互相備也冢宰司徒所蒞祀事皆首五帝  
者舉五帝則昊天上帝不必言矣此不及五帝者

舉昊天上帝則五帝可知也司寇職禋祀五帝則戒  
日○程子曰天與帝一也天言其體帝言其主○朱  
子曰說上帝是總說帝說五帝是五方帝說昊天上  
帝只是說天○張氏曰尚書曰明禋國語精意以享  
曰禋鄭氏取義于升煙誤矣

以血祭祭社稷五祀五嶽以貍沉祭山林川澤以鬯辜  
祭四方百物

不言祭地此皆地示祭地可知也陰祀自血起貴氣

臭也社稷土穀之神有德者配食焉共工氏之子曰  
句龍食于社厲山氏之子曰柱食于稷湯遷之而祀  
棄五祀者五官之神四時迎五行之氣于四郊而祭  
五德之帝亦食此神焉少昊氏之子曰重為句芒食  
于木該為蓐收食于金修及熙為元冥食于水顓頊  
氏之子曰黎為祝融食于火句龍為后土食于土五  
嶽東曰岱宗南曰衡山西曰華山北曰恒山中曰嵩  
高山祭山林曰貍川澤曰沉順其性之含藏也臨剖

牲胸也。鬬而磔之，謂磔攘及蜡祭郊特牲曰：八蜡以記四方。又曰：蜡之祭也，主先畬而祭司畬也。祭百種以報畬也。饗農及郵表畷禽獸仁之至義之盡也。○李耜卿曰：祀天神祭地示其時，其地詳見大司樂。而此經以蒼璧禮天，以黃琮禮地，典瑞職四圭有邸以祀天，旅上帝兩圭有邸以祀地，旅四望。王制：天子祭天地諸侯祭社稷，則地示之祭，自不得以社當之。然此經序祭有社無示，司徒鼓人職以雷鼓鼓神祀以

靈鼓鼓社祭亦言社而不及示典瑞職以圭璧禮諸神祀地之外不著社稷大司樂分樂以祭亦不別著社稷于祭地之後二者又言示而不及社似乎彼此互見而示祭社祭禮無殊也○勉齋黃昏社祭土稷祭穀土穀之祭達于上下故方丘與社皆祭地也而宗伯序祭有社無示舉社則其禮達于上下舉示則天子獨用之鼓人職不曰祭示而曰社祭亦以其禮達乎上下也大司樂靈鼓靈鼗以祭地示則示祭社

祭其用同矣此說較之賈疏所謂以小該大者尤為  
長于理而合于經也祭法王有大社又有王社張子  
曰大社祭天下之地示王社祭京師之地示說本白  
虎通竊意大社立于王宮乃祭京師之地示京大也  
師衆也京師之社固可稱大王者無外社繫以王則  
祭天下之地示也此禮惟王有之諸侯以下則否王  
社所在書傳無文其即澤中之方丘與○王志長曰  
五祀在社稷之下五嶽之上則非門戶等可知但鄭

氏注五官之神從五帝而祀于四郊則天神之屬不宜血祭○祀則首舉昊天上帝而不及五帝祭則不言地示而首社稷者五帝之祀已前見矣而昊天上帝未見故舉之以見其為天神之首祀地示則上經已見故獨舉社稷以下也不及四瀆者上舉五嶽下及山林川澤則四瀆從五嶽之禮不必言矣在天為四時在地為五行豈四郊迎氣祀五帝于上而用禋祀祭五官于下而用血祭與抑別祭而不予迎氣之



日與

以肆獻裸享先王以饋食享先王以祠春享先王以禴夏享先王以嘗秋享先王以烝冬享先王

舊說宗廟之祭有此六享肆獻裸饋食在四時之上則是祫也禘也肆者進所解牲體謂薦熟時也獻獻醴謂薦血腥也裸之言濯濯以鬱鬯謂始獻尸求神時也祫言肆獻禘言饋食互相備也○四時常祭之外莫重于祫禘莫多于月祭肆獻謂祫也裸謂禘也

不曰禘而曰肆獻者時祭亦有禘惟大禘徧獻及毀廟之主也不曰禘而曰裸者獻之屬莫重于裸周道也求神于陰于極遠之祖尤以裸為合莫之主也凡祭皆有裸而獨以言禘者猶六宗皆禋而獨于昊天上帝言禋祀凡祭皆有血腥燭熟而曰郊血大饗腥也饋食疑即周語所謂月祀戴記所謂月祭也薦新朔奠其禮略故自饋食始而薦血燔膋之節不備如注疏則當曰以裸肆獻饋食享先王不當分而為二

矣且小宰贊裸將司徒奉牛牲羞其肆籩人掌饋食之籩皆已前見無為復舉于此以見祭之有此三節也蓋舉祫則無以別于時祭之祫舉月祭則不足以該朔奠與薦新既以肆獻言大祫以饋食言月祭故于禘亦不得獨舉祭名而稱裸耳饋奠之禮所以仁死喪以三虞後即為吉祭故朔奠可入吉禮○肆陳也列也而考尚書青災肆赦春秋肆大青韓非子慮事廣肆似兼周徧之義大祫徧于列祖故曰肆獻大

祝肆享亦謂大祫也

以凶禮哀邦國之憂以喪禮哀死亡以荒禮哀凶札以弔禮哀旤莢以禴禮哀圍敗以恤禮哀寇亂

喪禮親者服焉疏者含禭凶歲凶札疫厲旤莢謂水火春秋傳宋大水魯使人弔許不弔莢君子譏之禴者使鄰國會合貨財以恤之小行人職若國師役則命犒禴之是也寇如春秋傳晉欒盈宋魚石自外入而為賊者亂如魯慶父齊無知自內而作者恤者與

之同憂而匡救之也

以賓禮親邦國春見曰朝夏見曰宗秋見曰覲冬見曰遇時見曰會殷見曰同

六服之內以時分來遞更而徧來以春則曰朝來以秋則曰覲無四方之別時見無常期王將有征討之事特召其州方伯連帥為壇于國外而命事焉春秋傳有事而會是也殷衆也舊說十二歲王如不巡守則六服盡朝四時分來歲終而徧王亦為壇而命政

馬所命之政如王巡守辯見秋官掌客職

時聘曰問殷頻曰視

時聘無常期諸侯或以故不得朝則遣問起居殷頻則王室有故慶喜弔憂而六服皆使人來視也

以軍禮同邦國大師之禮用衆也大均之禮恤衆也大田之禮簡衆也大役之禮任衆也大封之禮合衆也

同謂威其不協僭差者簡衆稽閱車徒之數也合衆者地有定域民有常主所以合其志大均屬軍禮惟

均乃可以作師徒賦馬牛車輦也大役屬軍禮古者  
城築即屬役于師旅也大封屬軍禮示侵敗王略則  
六師及之也○春秋傳魯賦于吳八百乘邾賦六百  
乘若為子男則將半邾以屬于吳而如邾以事晉蓋  
不獨徵兵以車乘為差田役貢賦之數亦如之故大  
均屬軍禮平丘之會子產爭承曰鄭伯男也而使從  
公侯之貢懼不給也則不均之病衆明矣

以嘉禮親萬民以飲食之禮親宗族兄弟以昏冠之禮

親成男女以賓射之禮親故舊朋友以饗燕之禮親四方之賓客以脤膾之禮親兄弟之國以慶賀之禮親異姓之國

嘉善也因人心所善而為之制飲食之禮謂族食也文王世子篇族食世降一等親謂昏禮成謂冠禮射禮雖王亦立賓主王之故舊為世子時共在學者脤膾社稷宗廟之祭肉也雖主賜兄弟之國二王後及異姓有大勲勞者亦得賜春秋傳王使宰孔賜齊侯



昨又曰宋先代之後天子有事燔焉大行人云賀慶以贊諸侯之喜則亦兼同姓可知饗燕脰膳賀慶之禮達乎諸侯賓射之禮達乎卿大夫士惟飲食昏冠之禮下逮庶人而統曰以親萬民者詩曰爾之教矣民胥儆矣凡用于朝廷邦國者皆所以使民觀感而親睦也古者君之于臣皆謂之朋友詩曰我有嘉賓又曰朋友攸攝書曰太史友是也

以九儀之命正邦國之位壹命受職再命受服三命受

位四命受器五命賜則六命賜官七命賜國八命作牧  
九命作伯

每命異儀貴賤之位乃正壹命始命為正吏也列國  
之士于子男為大夫王之下士亦一命受職治職事  
也列國之大夫再命于子男為卿卿大夫自玄冕而  
下如孤之服王之中士亦再命則爵弁服列國之卿  
三命始有列位于王為王臣王之上士亦三命公之  
孤四命始得具祭器禮運曰大夫祭器不假非禮也

王之下大夫亦四命則者地未成國之名王之下大夫四命出封為子男加一等五命賜以方百里二百里之地或曰為寰內諸侯賜以八則也王之卿六命得自置其臣治家邑如諸侯王之卿六命出封加一等七命為侯伯方三百里以上為成國侯伯有功德者加命得專征伐為州牧王之三公亦八命上公有功德者加命為二伯得征五侯九伯○李耜卿曰職服位器皆曰受者自下言之則與官國皆曰賜者自

上言之牧與伯皆曰作者必有過人之功德乃可作而居此位也○春秋傳管仲辭卿禮曰有天子之二守高國在樂盈之奔曰陪臣盈得罪于王之守臣晉鞏朔獻捷于周王使詰曰未有職司于王室以是知列國之卿必受命于王然後為有位也

以玉作六瑞以等邦國王執鎮圭公執桓圭侯執信圭伯執躬圭子執穀璧男執蒲璧

瑞信也等差之也鎮安也圭長尺有二寸以四鎮之

山為瑑飾王祭時所執公二王之後及三公雙植謂之桓圭長九寸以桓為瑑飾象宮室之有桓楹所以安其上也信當為身信圭躬圭皆長七寸象人形為瑑飾而以屈伸為之別穀所以養人蒲為席所以安人二璧皆徑五寸而瑑飾異○李耜卿曰雜記贊大行云博三寸厚半寸剡上左右各寸半圭之形也璧形園內有孔謂之好孔外謂之肉肉倍好謂之璧以禽作六摯以等諸臣孤執皮帛卿執羔大夫執雁士

執雉庶人執鵞工商執雞

摯之言至所執以自致也皮帛者束帛而表以虎豹之皮羔取其羣而不失其類雁取其候時而行雉取其耿介而文明鵞取其不飛遷雞取其知時曲禮曰飾羔雁者以繪士相見禮卿大夫執摯以布而不言繪蓋諸侯之臣與王臣異也然則天子之孤飾摯以虎皮公之孤以豹皮與自雉以下執之無飾爵同則摯同不以命數故士相見禮侯國卿大夫士所摯與

此同但飾異耳凡摯無庭實○雁非家禽不時得又不可畜蓋舒雁也取其安舒而潔白膳夫受摯以為膳則皆恒用之物可知矣

以玉作六器以禮天地四方以蒼璧禮天以黃琮禮地以青圭禮東方以赤璋禮南方以白琥禮西方以玄璜禮北方皆有牲幣各放其器之色

禮謂始告神時薦于神坐書金縢周公植壁秉珪是也宗廟薦玉與裸同節祭天宜當實柴之節也此圜

丘方澤及四郊迎氣之祭所用璧圜象天琮八方象地圭銳象春物始生半圭曰璋象夏物半死琥猛象秋嚴半璧曰璜象冬閉藏地上無物惟天半見幣以從爵若人飲酒有酬幣○不曰四郊而曰四方疑五嶽四鎮四瀆禮神之玉及牲幣皆然

以天產作陰德以中禮防之以地產作陽德以和樂防之

天產六牲之屬地產九穀之屬祭之始薦血燔膋以



求神于幽所以作陰德也此近于鬼道故以禮儀為節所以防其過薦黍稷內羞以養神于顯所以作陽德也此純乎人道故以和聲合莫所以防其過

以禮樂合天地之化百物之產以事鬼神以諧萬民以致百物

李耜卿曰此推言禮樂之功用也人君建中和之極萬民服中和之教則氣之所感天地訢合陰陽相得煦嫗覆育萬物草木茂句萌達羽翼奮角觝生蟄蟲

昭蘇胎生者不殯卵生者不殯所謂合天地之化百  
物之產也致百物謂致物產之祥○以禮樂合天地  
之化如春禘秋嘗春合舞秋合聲之類合百物之產  
如上經所謂以天產作陰德以地產作陽德及菹醢  
以水草陸產相間之類致百物大司樂六變而諸物  
皆致是也

凡祀大神享大鬼祭大示帥執事而卜日宿眡滌濯泚  
盥省牲鑊奉玉盥詔大號治其大禮詔相王之大禮

玉鬯所以灌也玉盥所以盛黍稷也二者惟宗廟社稷用之注以玉為禮神之玉非也知然者大宰職祀五帝贊玉幣爵之事祀大神示亦如之則禮神之玉贊奉者大宰也其職于享先王後特言贊玉几玉爵蓋惟以人道享之乃有几與玉爵也大宰既贊玉几玉爵故宗伯所掌惟玉鬯玉盥也于玉盥曰奉于玉鬯曰涖者小宰贊裸宗伯惟涖玉鬯而已鑊所以烹牲大號六號之大者以詔大祝為祝辭治猶簡習也

○宿祭之前夕也注訓申戒似因大宰視滌濯然不害宗伯與大宰並視也

若王不與祭祀則攝位

攝代也王不與祭祀謂疾與喪

凡大祭祀王后不與則攝而薦豆籩徹

外祀后不與曰大祭祀者禘祫及四時之祭也

大賓客則攝而載果

載為也果宜作裸君無酌臣之禮故王拜送而代王

酌獻大行人職曰上公之禮再裸而酢則后裸亦攝  
為之或曰惟后不與則攝也

朝覲會同則為上相大喪亦如之王哭諸侯亦如之  
出接賓曰擯入詔禮曰相相者五人卿為上相或王  
或嗣王為喪主拜賓宗伯亦為上相哭諸侯謂薨于  
其國為位而哭之若來朝而薨則王為之總麻檀弓  
天子之哭諸侯也爵弁經紕衣

王命諸侯則擯

儼進之也王將出命假于祖廟立依前南鄉儼者進  
當命者使登內史由王右以策命之降再拜稽首登  
受策以出諸侯爵祿其臣則于祭焉

國有大故則旅上帝及四望

故謂凶災曰上帝該昊天上帝與五方帝也旅陳也  
陳其祭事以祈焉禮不如祀之備○旅山祭也上帝  
而曰旅者徧用事于四郊所祭非一帝也春秋傳鄭  
子產禋火祈于四鄩蓋其遺制

王大封則先告后土

后土土神也

乃頒祀于邦國都家鄉邑

頒其所當祀及其禮鄉邑公邑也鄉邑之祀如社崇  
酺之類先邦國次都家次鄉邑舉外以及內也

宗伯職獨無正月之吉始和布禮于邦國都鄙云云  
者治教政刑隨時損益禮則一定而不可易無事每  
歲和而布之也禮不下庶人閨門鄉黨之禮則夫人

而習之矣若郊廟朝廷邦國之禮則當官者自肄之  
無事縣于象魏使萬民觀之也

小宗伯之職掌建國之神位右社稷左宗廟

庫門內雉門外之左右

兆五帝于四郊四望四類亦如之

兆為壇之營域黃帝亦于南郊類有事而特祭也依  
四郊四望之禮故曰四類即大宗伯職所謂旅上帝  
及四望也社稷宗廟非時而祭皆曰類則四郊四望



亦可類明矣

兆山川丘陵墳衍各因其方

山該林川該澤無原隰之兆者原隰平土也社通于上下為土祭之最盛矣

掌五禮之禁令與其用等

用等牲器尊卑之等

辨廟祧之昭穆

自始祖之後父曰昭子曰穆

辨吉凶之五服車旗宮室之禁

丘氏曰九章七章五章三章一章此吉服也斬衰齊衰錫衰總衰疑衰此凶服也

掌三族之別以辨親疎其正室皆謂之門子掌其政令三族謂父子孫喪服小記曰親親以三為五以五為九正室適子也將代父當門故謂之門子政令謂分族屬明宗法不得以畀代尊以孽代宗之類

毛六牲辨其名物而頒之于五官使共奉之

毛擇毛也惟大宰不奉牲總贊王牲事

辨六齎之名物與其用使六宮之人共奉之

六齎即六穀祭有大小則用有多寡

辨六彝之名物以待果將辨六尊之名物以待祭祀賓客

六彝雞彝鳥彝斚彝黃彝虎彝蜚彝果讀為裸六尊  
獻尊象尊壺尊著尊大尊山尊按司尊彝惟祭祀陳  
六彝六尊此兼言賓客則饗賓客于廟陳六尊亦依

祭禮四時所用若在野外饗則不用祭祀之尊故春秋傳云犧象不出門也六彝專以待祭祀賓客之裸故別言之○項氏曰名六者之名物所實之物

掌衣服車旗宮室之賞賜

掌四時祭祀之序事與其禮

序事序六官之屬所當執之事也

若國大貞則奉玉帛以詔號

問事之正曰貞國語貞于陽卜大貞謂卜立君卜大

封也王帛所以禮神詔詔大祝也號神號幣號

大祭祀省牲眡滌濯祭之日逆齋省鑊告時于王告備

于王

逆齋受饔人之盛以入也省鑊視烹腥熟

凡祭祀賓客以時將瓚果

將送也猶奉也祭祀以時奉而授王賓客以時奉而  
授宗伯天子圭瓚諸侯璋瓚○小宰贊裸將之事實  
鬱鬯以授王也小宗伯將瓚裸送瓚于小宰使實之

以裸也舊說小宗伯以瓚授王王以授尸則無所用  
小宰之贊矣

詔相祭祀之小禮凡大禮佐大宗伯

小禮謂王有故不親而使大宰宗伯攝者或曰大禮  
交神之大節小禮又其中之節目也未至職末輒言  
此者以此下皆小宗伯專行事不佐大宗伯故于中  
言之以結上也

賜卿大夫士爵則儉

賜猶命也

小祭祀掌事如大宗伯之禮大賓客受其將幣之齎  
謂所齎來貢獻之財物也凡朝覲禮畢于廟致貢行  
三享之禮以玉幣致享既訖其庭實之物小宗伯受  
之○大宰贊王受玉小宰受幣其以幣將之財物則  
小宗伯受之財物而使禮官受者庭實旅百皆所以  
享宗廟禮器所載大饗之禮各以其國之所有而無  
常貨是也此經之齎與賁同義

若大師則帥有司而立軍社奉主車

有司大祝也王出軍必先有事于社及遷廟載其主以行春秋傳軍行被社釁鼓祝奉以從禮記曾子問篇天子巡守以遷廟主行載于齊車是也社之主用石為之鄢陵之戰晉張幕虔卜于先君以主車在軍故也

若軍將有事則與祭有司將事于四望

若軍將有事則與祭句蓋軍中之祭小宗伯與焉若



所征之地近五嶽四瀆則使有司將事而不親也非  
徧祭四望如有事于東方則祭海岱即肆師職祭兵  
于山川是也

若大甸則帥有司而饁獸于郊遂頒禽

甸讀為田有司甸祝也饁饋也以禽饋四方之神于  
郊郊有羣神之兆也頒禽謂以予羣臣禮記頒禽隆  
諸長者詩傳禽雖多取三十焉其餘以予大夫士以  
習射于澤宮而分之以禮官與軍事者軍旅不可以

無禮也以禮官與甸事者田獵不可以無禮也大宗伯不行者天地宗廟社稷之事為重也

大哉及執事禱祠于上下神示

曰有司者專司其事者也曰執事者非一官之屬求福曰禱得求曰祠

王崩大肆以秬鬯泚

大肆大浴也或曰始陳尸伸之泚或讀為泚謂浴尸也大祝以肆鬯泚小祝贊泚小宗伯蓋察其不如儀

及執事泣大斂小斂率異族而佐

執事大祝之屬泣臨也親斂者當為事官之屬異族  
佐斂同姓當序哭也

縣衰冠之式于路門之外及執事眡葬獻器遂哭之  
眡葬眡其地也器明器也獻素獻成皆于殯門外王  
哭則獻器者亦哭

卜葬兆甫窆亦如之既葬詔相喪祭之禮

兆墓塋域甫始也窆謂穿墻喪祭虞祔也

成葬而祭墓為位

祭墓祭其地之土神也位壇位也

凡王之會同軍旅甸役之禱祠肆儀為位國有既裁則亦如之

肆習也○李耜卿曰禱祠即上文將事四望饁獸于郊之類肆儀為位至此始言之者文相足也既裁即上文所謂大裁上言禱祠此言肆儀為位亦文相足也

凡天地之大裁類社稷宗廟則為位

類依其正禮而為之無祭天地之文者與篇首所謂  
四類互相備也因天地之裁而類及社稷宗廟則四  
郊四望之類不必言矣

凡國之大禮佐大宗伯凡小禮掌事如大宗伯之儀

凡言大禮者王親之小禮羣臣攝

肆師之職掌立國祀之禮以佐大宗伯立大祀用玉帛  
牲牷立次祀用牲幣立小祀用牲

此立侯國之祀也。王國天神地示人鬼之禮則大宗伯建之矣。其曰佐者立之者肆師定而頒之者大宗伯也。此三事雖侯國之禮而立之者肆師故首列焉。以歲時序其祭祀以下則王朝之祭祀奉宗伯所建之成法而宣布焉耳。諸侯不祭天地則無實柴之祀。其宗廟之祭無旅幣無方之奠未賜珪瓚則不敢為。雖雖賜樂不敢備六代之舞故大祀止于玉帛牲粢。若天子則圭璧以祀日月星辰璋邸射以祀山川不

得云次祀用牲幣矣

以歲時序其祭祀及其祈珥

易彥祥曰小子職珥于社稷祈于五祀羊人職祈珥  
共羊牲與此文同至秋官士師職則曰凡釁珥奉犬  
牲後鄭並改祈為釁且以珥當從血為釁引雜記釁  
羊之說然羊人小子職釁積釁邦器軍器皆直謂之  
釁不應宮兆始成之釁獨謂之祈珥劉中義云珥珥  
字之誤也祈謂小祝之祈福祥珥謂小祝之珥兵災

今從之

大祭祀展犧牲繫于牢頒于職人

職人謂充人及監門職當繫牲而養之者

凡祭祀之卜日宿為期詔相其禮眡滌濯亦如之

滌濯漑拭各有節次故亦詔相之

祭之日表盥盛告潔展器陳告備及果築鬻相治小禮  
誅其怠慢者

簠以盛稻梁簋以盛黍稷有蓋不知其實故以徽識



表之陳陳列也築鬻築鬱金煮之以和鬻○築與築  
防築城之築同義

掌兆中廟中之禁令凡祭祀禮成則告事畢

兆壇塋域

大賓客涖几筵築鬻贊果將

酌鬱鬻授大宗伯載裸

大朝覲佐儻共設匪齏之禮饗食授祭

大朝覲謂大會同時之朝覲也若四時常朝則小行

人為承儔公食大夫禮若不親食使大夫以侑幣致之豆實實于甕簋實實于筐匪或筐字之誤也肆師不掌飲食蓋掌其禮而使掌客等共設之授祭授賓祭肺也大宰職大朝覲與會同並列則為四時常朝者衆此不言會同則為大會同時之朝覲也

與祝侯禳于畺及郊

侯禳小祝職也侯候迎善氣

大喪大弔以鬯則築鬻鬯

后世子喪浴皆以塗

令外內命婦序哭禁外內命男女之衰不中灋者且授之杖

外命男六鄉以出也內命男朝廷卿大夫士也其妻為外命女喪服為夫之君齊衰不杖內命女王之三夫人以下諸侯喪禮三日授子杖五日授大夫杖七日授士杖天子之喪禮未聞

凡師甸用牲于社宗則為位

社軍社也宗遷主也○李耜卿曰甸字疑衍

類造上帝封于大神祭兵于山川亦如之

造即也為兆以類禮即祭上帝也封謂壇也大神社  
及方嶽也山川蓋軍之所依止上經用牲于社宗據  
在軍下云師不功據敗退後則此經其克勝後告天  
及社之事與

凡師不功則助牽主車

助大司馬

凡四時之太甸獵祭表貉則為位

貉師祭也于立表之處祭始造軍法者其神蓋蚩尤  
或曰黃帝四時之田獵有曰大者豈王或不親而使  
司馬即事則為小與王之會同軍旅甸役之禱祠小  
宗伯為位而肆師復為師甸祭祀之位者小宗伯所  
掌者特有祈請肆師所掌則師甸之常祭也將戰而  
用牲于社宗既勝而告于上帝大神山川田獵而祭  
表貉皆常祭也特有祈請則其禮宜簡于常祭而乃

使小宗伯為位者其事非常則所以斟酌其儀位者  
非禮官之師不敢專也肆師則遵循故典而已師甸  
大宗伯不與故小宗伯專其禮

嘗之日涖卜來歲之芟

薙草而預卜之何也月令大雨時行燒薙行水利以  
殺草稻人職以涉揚其芟作田蓋雨行以時則所芟  
之草可化為糞故預卜之

獮之日涖卜來歲之戒

問後歲兵寇之備

社之日涖卜來歲之稼

卜來歲之稼則社宜為秋祭

若國有大故則令國人祭歲時之祭祀亦如之

大故謂水旱凶荒所令祭者社及禋醢國人鄉遂都  
邑之有司及其民也歲時之祭祀月令仲春命民社  
之類

凡卿大夫之喪相其禮

易氏曰非相其家禮相國之喪禮職喪聽之者

凡國之大事治其禮儀以佐宗伯凡國之小事治其禮儀而掌其事如宗伯之禮

統言宗伯者或佐大宗伯或佐小宗伯也國之大事小宗伯既佐大宗伯而肆師復佐之何也肆師兼治禮儀又或小宗伯有故不得與則攝而佐大宗伯也國之小事小宗伯掌之而肆師復掌之何也亦攝小宗伯也如大師小宗伯一人在行一人在喪與疾則



祭祀賓客不得不以肆師攝矣不曰大事佐大宗伯  
小事佐小宗伯何也設王有疾而大宗伯攝祭則大  
宗伯之事不得不以小宗伯攝大宗伯有喪與疾亦  
然設小宗伯各有事故則小宗伯之事亦或以大宗  
伯攝

鬱人掌裸器

謂彝及舟與瓚

凡祭祀賓客之裸事和鬱鬯以實彝而陳之

凡裸玉濯之陳之以贊裸事詔裸將之儀與其節

裸玉謂圭瓚璋瓚

凡裸事沃盥

上經旣言濯裸玉則此主共裸者沃盥之水與器也

大喪之溲共其肆器

肆器陳尸之器喪大記君設大盤造冰焉設牀禮第

有枕此之謂肆器

及葬共其裸器遂殮之

遣奠之彝與瓚也。狸于祖廟階間，明奠終于此。或曰：乃明器納之壙中者。

大祭祀與量人受舉筭之卒爵而飲之。

筭受福之嘏聲誤也。王酹尸尸嘏王，此其卒爵也。受飲卒爵必與量人者，鬱人贊裸時量人制從獻之脯，繇事相成。

鬯人掌共秬鬯而飾之。

秬鬯未和鬱者飾之，謂設巾。

凡祭祀社壇用大罍崇門用瓢齋廟用脩凡山川四方用蜃凡裸事用梲凡醢事用散

罍瓦器春秋傳日月星辰之神則雪霜風雨之不時于是乎崇之山川之神則水旱厲疫之災于是乎崇之門國門也瓢謂瓢蟲也齋讀為齊取甘瓢割去抵以齊為尊脩蜃梲散皆漆尊也修或讀為卣蜃飾以蜃者概尊以朱帶者無飾曰散○首社壇天地之祀無鬯也灌鬯以求神也天地之神無所不在社有主

則可以人道求之矣先儒以大宗伯有涖玉鬯之文遂  
謂天地亦用鬯非也大宰職祀五帝及大神示贊玉  
幣爵之事故宗伯職特出涖玉鬯奉玉盥以灋所掌玉  
事獨此二者乃宗廟社稷所用不得據此謂天地亦用鬯  
也其文總承祀大神享大鬼祭大示之後者以卜日宿眠  
滌濯省鑊詔號乃三禮之所同耳凡裸事謂賓客之裸  
事也不曰賓客用概者王弼臨共介鬯則弼臨亦用裸  
也鬱人統言祭祀賓客之裸事則凡裸事沃盥謂祭祀

賓客也此經既條列祭祀所用而又曰凡裸事用概則謂賓客弔臨之裸可知矣冠禮亦有裸故以凡該之廟疑當作望廟用六彝已見司尊彝職而此經備列諸裸事不宜遺五嶽四瀆舊說裸當為埋非也上列四望下列山川則埋祭已具矣○李耜卿曰以鬯辜祭四方百物今既有四方又曰鬯事者蓋專指百物以用器有異故別言之耳○表記天子親耕粢盛秬鬯以事上帝或因郊祀以稷配降神用鬯連類而及之尤不足據

大喪之大溲設斗共其釐

斗所以沃尸也釐釐釐尸之釐酒也

凡王之齊事共其秬

給淬浴

凡王弔臨共介

以尊適卑曰臨曲禮摯天子王至尊介為致之檀  
弓曰臨諸侯畛于鬼神曰有天王某甫蓋王適四  
方舍諸侯祖廟祝告其神之辭介于是進

雞人掌共雞牲辨其物

大祭祀夜嘑旦以詔百官凡國之大賓客會同軍旅喪紀亦如之

凡國事為期則告之時

告其有司主事者不曰告之日而曰告之時者用事有早暮如春朝朝日秋暮夕月之類

凡祭祀面禳饗共其雞牲

而禳者侯禳于壘及郊四方皆用事焉饗饗廟之屬



司尊彝掌六尊六彝之位詔其酌辨其用與其實

位所陳之處酌沛之使可酌即下經鬱齊獻酌等用  
謂四時祭祀所用各異實鬱及醴齊之屬

春祠夏禴裸用雞彝鳥彝皆有舟其朝踐用兩獻尊其  
再獻用兩象尊皆有壘諸臣之所昨也秋嘗冬烝裸用  
罍彝黃彝皆有舟其朝獻用兩著尊其饋獻用兩壺尊  
皆有壘諸臣之所昨也凡四時之間祀追享朝享裸用  
虎彝雝彝皆有舟其朝踐用兩大尊其再獻用兩山尊

皆有壘諸臣之所昨也

卷五

朝踐謂薦血腥酌醴始行祭事后于是薦朝事之豆  
籩既又酌獻朝獻謂尸卒食王醕之其變朝踐為朝  
獻者尊相因也再獻者王醕尸之後后酌亞獻諸臣  
為賓又次后酌盞齊備卒食之三獻饋獻謂薦熟時  
后薦饋食之豆籩其變再獻為饋獻亦尊相因也凡  
此九酌王及后各四諸臣一祭之正也雞彝鳥彝謂  
刻畫其形舟尊下臺獻讀為犧犧尊飾以翡翠或曰

畫犧牛形象尊飾以象骨明堂位犧象周尊也昨讀  
為酢尊以獻神壘則諸臣獻尸後所酌以自酢者尸  
酢王后即用醴齊盍齊尊故也罍讀為稼罍彝畫禾  
稼也黃彝以黃金為目明堂位夏后氏以雞彝殷以  
罍周以黃目郊特牲黃目鬱氣之上尊也著尊著地  
無足明堂位著殷尊也壺者以壺為尊春秋傳尊以  
魯壺追享禘祫也朝享月朔之祭春秋傳閏月不告  
月猶朝于廟雉屬印鼻而長尾大尊大古之瓦尊

山尊山壘也亦刻畫為雲山之形彝與尊各用二者  
鬱鬯與齊皆配以明水或曰王與后各酌其一也○  
追享謂大祫及禘皆追遠之祭即宗伯職所謂肆獻  
裸也朝享謂月朔朝廟之祭即宗伯職所謂饋食也  
但此經朝享亦有朝踐而宗伯職獨言饋食似從饋  
食始豈月朔之祭自饋食以下禮皆備而朝踐之禮  
減略遂獨舉饋食以為名猶凡祭皆有血腥燔孰而  
曰郊血大饗腥三獻燔一獻孰與周官每同事而異

詞所以互發其義也蓋因此經以見宗伯職所謂肆  
獻裸乃大祫與禘追享遠祖之祭所謂饋食乃月朔  
朝廟之祭又因宗伯職以見大祫異于時祫以徧陳  
毀廟之主及禘以裸為主月祭以饋食為主之義也  
五齊以實彝尊則蠶之實為三酒可知矣蠶為諸臣  
所自酢則尸酢王與后即用所獻之齊諸臣獻尸亦  
得以齊可知矣曰鬱齊獻酌則鬱合鬯而仍以齊  
可知矣舊說惟大事于太廟備五齊三酒非也酒正

職凡祭祀以法共五齊三酒以實八尊以義推之裸  
用鬱齊朝踐饋食所用者其四齊也裸用二簋器異  
而齊同也朝踐饋食各用二尊器同而齊異也每用  
二者禮器君西酌犧象夫人東酌罍尊夫婦不相襲  
也三酒亦當用三疊賓禮九獻不數裸則祭祀可知  
疑朝踐饋食及醑尸皆王后各一獻諸臣各一獻也  
諸臣之三獻當以同姓異姓嗣舉奠為次故用三酒  
如舊說王與后各四獻諸臣一獻則于皆有疊之義

不可通矣

凡六彝六尊之酌

凡如凡其死生蠹薨之凡謂別而次之也下有凡酒而此不言蠹者省文也

鬱齊獻酌醴齊縮酌盞齊沚酌凡酒脩酌

禮運玄酒在室醴醖在戶粢醖在堂澄酒在下以五齊次之則醖酒盞齊也獻讀為摩莎之莎煮鬱和秬鬯以盞齊摩莎沚之出其香汁郊特牲所謂汁獻沚

于醖酒也醴齊尤濁和以明酌沛之以茅縮去滓所謂縮酌用茅也盎齊差清和以清酒沛之所謂醖酒沉于清也其餘三齊泛從醴緹沉從盎凡酒謂三酒也脩讀如滌濯之滌滌酌以水和而沛之裸用鬱齊朝用醴齊饋用盎齊諸臣自酢用凡酒

大喪存奠彝大旅亦如之

存省也謂大遣時奠者朝設夕乃徹天地至尊不裸此得用彝者亦奠之而已○文義與國子存游倅同



蓋存而不用也虞而立尸始以神道事焉魄體尚在  
殯故不忍遽以神道求之四望本宜用裸以與五帝  
同祀且徧于上下百神故不用裸此禮義之所以深  
而通也

司几筵掌五几五席之名物辨其用與其位

凡大朝覲大饗射凡封國命諸侯王位設黼依依前南  
鄉設莞筵紛純加纁席畫純加次席黼純左右玉几  
依制如屏風黼依者以絳帛為質黼斧于依前左右

設几優至尊也紛白繡也純緣也莞細葦也繅讀為藻率之藻削蒲弱展之編以五采畫畫雲氣也次席桃枝席有次列成文

祀先王昨席亦如之

昨讀為酢謂祭祀及王受酢之席尸卒食王醕之卒爵祝受之又酌授尸尸酢王于是席王于戶內

諸侯祭祀席蒲筵續純加莞席紛純右彫几

續畫文也

昨席莞筵紛純加縹席畫純筵國賓于牖前亦如之左  
彤几

別言左彤几于筵國賓之後者示昨席無几也人道  
尚左鬼神尚右○王昭禹曰分布采色曰績摹成物  
體曰畫考工記曰青與白相次赤與黑相次所謂績  
也又曰山以章水以龍所謂畫也○于諸侯言祭席  
酢席之異則王之祭酢同席可知矣于諸侯言祭席  
賓筵之異則王之賓祭同席可知矣于諸侯舉賓筵

于王不言者諸侯之席再重知諸侯相為賓之筵則王之筵諸侯可知矣于王先舉朝覲饗射封國命諸侯而後及祭席酢席文當然也若先列祭席而曰酢亦如之朝覲饗射封國命諸侯亦如之則贅矣禮器鬼神單席豈異代之禮與

甸役則設熊席右漆几

謂有司祭表貉所設席也

凡喪事設葦席右素几其柏席用萑蒲純諸侯則紛純

每敦一几

喪事謂凡奠也萑如葦而細柏席迫地之席葦加其上或曰載黍稷之席或曰柏棊字之訛棊席藏中神坐之席也敦讀為燾燾覆也棺在殯則棊燾周禮雖合葬若同時在殯則異几故曰每敦一几也黼純兼上三席諸侯則以紛別之

凡吉事變几凶事仍几

仍因也吉事謂王祭宗廟裸于室饋食于堂繹于祊

每事易凡凶事謂凡奠朝夕相因

天府掌祖廟之守藏與其禁令

始祖之廟也禁令謂防守及陳藏之法

凡國之玉鎮大寶器藏焉若有大祭大喪則出而陳之  
既事藏之

大祭禘祫也

凡官府鄉州及都鄙之治中受而藏之以詔王察羣吏  
之治

治中治職事之簿書謂之中者示合于經制也

上春釁寶鎮及寶器

凡吉凶之事祖廟之中沃盥執燭季冬陳玉以貞來歲之嫩惡

陳玉以禮神也

若遷寶則奉之

若國遷則奉寶以之新廟也

若祭天之司民司祿而獻民數穀數則受而藏之

司民軒轅角也司祿文昌第四星或曰下能也地官  
獻賢能之書秋官計獄弊訟及邦之盟書皆登于天  
府而不見于本職何也此職載受藏治中以詔王察  
羣吏之治也載受藏民數穀數以祭天之司民司祿  
陳玉而與執事也若賢能之書獄訟之計盟約之文  
其得失當否天府既不糾察又不與執事是以散見  
于二官而不詳于本職耳○李耜卿曰秋官有司民  
之職孟冬祀司民司寇獻民數于王然則地官有司



祿之職獻穀數者必司徒也

典瑞掌玉瑞玉器之藏辨其名物與其用事設其服飾人執以見曰瑞禮神曰器瑞符信也服飾謂纁藉天府所藏玉先王之遺物典瑞所藏則時王所用

王晉大圭執鎮圭纁藉五采五就以朝日

晉讀為搢插于衣帶間纁所以藉玉也木為中幹用韋衣而畫之或曰冕纁纁絲為之圭纁亦然一帀為一就五就五帀也天子春分朝日秋分夕月圭制俱

見玉人職

公執桓圭侯執信圭伯執躬圭繅皆三采三就子執穀  
璧男執蒲璧繅皆二采再就以朝覲宗遇會同于王諸  
侯相見亦如之

三采朱白蒼二采朱綠也覲禮曰侯氏入門右坐奠  
圭再拜稽首于王舉朝日則祀天地宗廟不必言矣  
于諸侯舉朝覲宗遇會同則祭祀不必言矣

瑑圭璋璧琮繅皆二采一就以頒聘

璋以聘后夫人以琮享之璦有圻鄂璦起遣臣聘不  
得執君之圭璧無桓信躬與蒲穀之文直璦之而已  
四圭有邸以祀天旅上帝

邸本也于中央為璧圭本著于璧而其末四出一玉  
俱成祀天圜丘之祭不曰旅五帝而曰旅上帝者四  
時迎氣及國有大故徧祀五帝孟春之郊季秋明堂  
之享皆用之也

兩圭有邸以祀地旅四望

祀地方澤之祭也○李耜卿曰大宗伯六器與六瑞六摯相次則蒼璧黃琮或初致其神奠玉而禮之如執摯以見者故曰禮天禮地此四圭有邸兩圭有邸與裸圭有瓚為類則邸當亦瓚屬表記曰秬鬯以祀上帝則此邸疑或注秬鬯者雖不以裸而奠以享神故曰祀天祀地推之下文圭璧者是于圭頭為器如璧璋邸射者是于璋頭為器如邸而射皆挹鬯爵也鄭氏見大宗伯有蒼璧黃琮之文此官無之而別云

四圭有邸兩圭有邸遂以蒼璧所禮者冬至圜丘之  
祀四圭則夏正郊天黃琮所禮者崑崙之祭兩圭則  
神州之神又合而一之曰蒼璧為邸四圭託焉黃琮  
為邸兩圭託焉更無他據今且闕之

裸圭有瓚以肆先王以裸賓客

于圭頭為器可以挹鬯裸祭謂之瓚于先王言肆于  
賓客言裸者宗伯職以肆獻裸享先王以裸代禘故  
于此言肆以明凡祭皆有裸也祭之裸灌地以降神

故直言裸賓客以示無灌地之禮

圭璧以祀日月星辰

圭其邸為璧取殺于上帝

璋邸射以祀山川以造贈賓客

射剡也璋有邸而射取殺于四望造贈賓客謂致稍  
餼時造館贈之使還贈賄亦執以將命或以周官每  
以四望與山川並舉疑非五嶽四瀆非也山林川澤  
丘陵墳衍皆有兆而五嶽四鎮四瀆尤地示之尊者

故別言之小宗伯職有司將事于四望曰于則以地  
言之而不得泛指他神示明矣

土圭以致四時日月封國則以土地

珍圭以徵守以卹凶荒

珍故書或為鎮以徵守者以徵召守國諸侯卹者開  
府庫振救之亦謂侯國之有凶荒者○李耜卿曰掌  
節之節守國行道之用也典瑞之瑞作事之信也先  
儒或謂瑞卽節誤矣

牙璋以起軍旅以治兵守

牙璋瑑以為牙齒牙兵象

璧羨以起度

羨隋圓也此璧本徑九寸旁減一寸以益上下故高一尺橫徑八寸十寸之尺十之則為丈八寸之尺十之則為尋從橫皆可為度

駟圭璋璧琮琥璜之渠眉疏璧琮以斂尸

駟當為組渠眉玉飾之溝瑑也以組穿聯六玉溝瑑



之中于大欽加焉圭在左璋在首琥在右璜在足璧  
在背琮在腹蓋取象于方明神之也六玉兩頭皆有  
孔又于孔間為溝渠于溝之兩畔稍高為眉瑑疏壁  
琮義未詳

穀圭以和難以聘女

穀善也其飾若粟文然和難如春秋魯宣公及齊侯  
平莒及邾晉侯使瑕嘉平戎于王其聘女則以納徵  
焉

琬圭以治德以結好

諸侯有德王命賜之大行人職時聘以結諸侯之好  
○所條列無學校之事則以治德者豈視學養老之  
所執與

琰圭以易行以除慝

使易惡行而為善則以此圭責讓喻告之大行人職  
殷頌以除邦國之慝

大祭祀大旅凡賓客之事共其玉器而奉之

玉器四圭裸圭之屬

大喪共飯玉含玉贈玉

飯玉碎玉以雜米含玉柱左右齧及在口中者贈玉  
蓋璧也贈用玄纁束帛天子加以璧

凡玉器出則共奉之

玉器出謂王所好賜也奉之送以往遠則送于使者  
○祭祀賓客則始終奉之俟事畢而藏焉若王所好  
賜及聘使所執有司所用喪紀所需則惟出之時共

奉之以付其人其應反者則俟其人之事畢而自反之也

典命掌諸侯之五儀諸臣之五等之命

五儀公侯伯子男之儀五等謂孤以下四命三命再命一命不命也或言儀或言命互文也

上公九命為伯其國家宮室車旗衣服禮儀皆以九為節侯伯七命其國家宮室車旗衣服禮儀皆以七為節子男五命其國家宮室車旗衣服禮儀皆以五為節

上公謂王之三公加命為二伯與二王之後國家謂城與宮之制公之城方九里宮方九百步侯伯子男降殺以兩餘見司服巾車大行人職

王之三公八命其卿六命其大夫四命及其出封皆加一等其國家宮室車旗衣服禮儀亦如之

四命中下大夫也王之上士三命中士再命下士一命

凡諸侯之適子誓于天子攝其君則下其君之禮一等

未誓則以皮帛繼子男

誓命而戒之也誓與未誓皆據父在而言若父卒後得誓者得與諸侯序○明齋王氏曰立適周之達禮然猶兼象賢之意必賢足以繼世天子乃命為世子而不得擅易也

公之孤四命以皮帛眡小國之君其卿三命其大夫再命其士一命其宮室車旗衣服禮儀各眡其命之數侯伯之卿大夫士亦如之子男之卿再命其大夫一命其

士不命其宮室車旗衣服禮儀各祗其命之數

視小國之君者列于卿大夫之位而禮如子男也周  
官公孤不列職而其名散見于他職此曰公之孤則  
知凡曰孤卿者乃王之三孤矣

司服掌王之吉凶衣服辨其名物與其用事

王之吉服祀昊天上帝則服大裘而冕祀五帝亦如之  
享先王則袞冕享先公饗射則鷩冕祀四望山川則毳  
冕祭社稷五祀則希冕祭羣小祀則玄冕

六服同冕首飾尊也先公謂稷之後太王之先不窋至諸盤羣小祀丘陵墳衍四方百物之屬大裘羔裘也衮卷龍衣也古者冕服十二章益稷日月星辰山龍華蟲作繢宗彝藻火粉米黼黻絺繡至周以日月星辰畫于旌旗春秋傳所謂三辰旂旗是也冕服止九章登龍于山登火于宗彝尊其神明也九章初一日龍次二曰山次三曰華蟲次四曰火次五曰宗彝皆畫以為繢次六曰藻次七曰粉米次八曰黼次九



曰黻皆紕以為繡袞之衣五章裳四章凡九鷩畫以  
雉謂華蟲也衣三章裳四章凡七毳畫虎雉衣三章  
裳二章凡五希刺粉米無畫衣一章裳二章凡三玄  
者衣無文裳刺黻而已凡冕服皆玄衣纁裳希讀為  
紕或作黻字之誤也○劉執中曰書稱舜曰予欲觀  
古人之象則天子衣裳之章十有二其來遠矣且交  
龍為旂周之衣不去龍熊虎為旗周之裳不去虎雉  
何獨日月為常而去衣章之日月星辰乎典命上公

九命以九為節推而上之天子衮冕十有二章明矣  
○享先王以衮冕則祀天地之服備十二章可知矣  
不敢服日月星辰之章以祀先王與不敢以衮祀先  
公其義一也

凡兵事韋弁服

以韎韋為弁又以為衣裳

眡朝則皮弁服

皮弁服十五升白布衣積素以為裳王受諸侯朝覲

于廟則衮冕

凡甸冠弁服

甸田獵也冠弁委貌即玄冠也其服緇布衣亦積素以為裳諸侯則以視朝

凡凶事服弁服

服弁喪冠也其服斬衰齊衰

凡弔事弁經服

弁經者如爵弁而素加環經其服錫衰總衰疑衰

凡喪為天王斬衰為王后齊衰王為三公六卿錫衰為諸侯總衰為大夫士疑衰其首服皆弁經

君為臣服弔服也錫麻之滑易者十五升去其半有事其縷無事其布無事其縷總亦十五升去其半有事其縷無事其布疑衰十四升疑之言擬擬于吉也不見婦人弔服者與夫同喪服大夫弔于命婦錫衰命婦弔于大夫亦錫衰喪服注凡婦人弔服吉筭無首素總○王為士服蓋同姓五服內及故舊

大札大荒大裁素服

公之服自衮冕而下如王之服侯伯之服自鷩冕而下如公之服子男之服自毳冕而下如侯伯之服孤之服自希冕而下如子男之服卿大夫之服自玄冕而下如孤之服其凶服加以大功小功士之服自皮弁而下如大夫之服其凶服亦如之其齊服有玄端素端

自公之衮冕至卿大夫之玄冕皆其朝聘天子及助祭之服諸侯非二王後皆玄冕而祭于已雜記曰大

夫冕而祭于公弁而祭于已士弁而祭于公冠而祭于已大夫爵弁自祭家廟惟孤耳其餘皆玄冠與士同玄冠自祭其廟者其服朝服玄端諸侯之自相朝聘皆服皮弁乃天子日視朝之服也喪服天子諸侯齊斬而已卿大夫加以大功小功士亦如之又加緦焉齊服自公以下至士同吉則玄衣凶則素衣皆謂之端言其幅之正也士之衣袂皆二尺二寸而屬幅是廣袤等也其祛尺二寸大夫以上侈之蓋半而益

一焉○鄭剛中曰子男毳而下如侯伯則上不服鷩  
可知侯伯自鷩而下如公則上不服衮可知公自衮  
而下如王則上不服日月星辰可知經文謂自衮而  
下如王之服則衮冕而上之章非日月星辰而何  
凡大祭祀大賓客共其衣服而奉之

大喪共其復衣服歛衣服奠衣服廡衣服皆掌其陳序  
奠衣服如後世坐上魂衣廡陳也廡衣服藏于槨中  
者○周官之文多舉下以該上惟喪浴之冰及復歛

奠廟之服獨舉上以該下者不疑于小喪之不共也  
典祀掌外祀之兆守皆有域掌其禁令

外祀即小宗伯所兆四郊已下

若以時祭祀則帥其屬而修除徵役于司隸而役之及  
祭帥其屬而守其厲禁而蹕之

守祧掌守先王先公之廟祧其遺衣服藏焉

先公之遷主藏于后稷之廟先王之遷主藏于文武  
之廟遺衣服大斂之餘也



若將祭祀則各以其服授尸

尸當服卒者之上服○程子曰古人祭祀用尸極有意人之魂氣既散必求其類而依之人與人既為類骨肉又為一家之類已與尸各既心齊潔至誠相通以此求神宜其享之後世直以尊卑之勢遂不肯行○朱子曰神主之位東鄉尸在神主之北

其廟則有司修除之其祧則守祧黝堊之

修除黝堊互相備有司恒主修除守祧恒主黝堊黝

黑也堊白也爾雅曰地謂之黝牆謂之堊○近廟每  
祔則新之故止于修除祧遠歲久漫漶故黝堊祖廟  
遠宜從祧

既祭則藏其隋與其服

隋尸所祭肺脊黍稷之屬藏之以依神

世婦掌女宮之宿戒及祭祀比其具

天官世婦祭之日涖陳女宮之具此職又按比之

詔王后之禮事帥六宮之人共齋盛

天官世婦帥女宮濯概為盥盛所帥女奚也此則帥  
世婦女御而共之于正祭之日

相外內宗之禮事

外宗佐后薦徹豆籩內宗佐傳豆籩

大賓客之饗食亦如之大喪比外內命婦之朝莫哭不  
敬者而苛罰之

苛譴也

凡王后有擯事于婦人則詔相

春秋傳二王後天子有喪拜焉設其夫人在畿內  
值王喪赴弔及后之母王之世母叔母姑姊妹王師  
傳之妻以禮見后皆當答拜

凡內事有達于外官者世婦掌之

以是知為公卿大夫士之妻有齒德者備官王宮而  
非王之妃嬪也

內宗掌宗廟之祭祀薦加豆籩及以樂徹則佐傳豆籩  
薦加爵之豆籩也尸既食后亞獻為加爵佐傳佐外

宗

賓客之饗食亦如之王后有事則從

大喪序哭者

次序內外宗及命婦也

哭諸侯亦如之

天子雖絕期然王之伯叔兄弟之喪則宮中必為位而哭也疏泛言諸侯來朝而薨未安內宗所序六宮之哭位非王之周親王哭之而已非內宗職之所及

也

凡卿大夫之喪掌其弔臨

注疏卿大夫界王后不弔臨故遣內宗掌之非也若王之尊屬周親后之父母無問爵之尊界后必弔臨其餘卿大夫之喪為王之同姓媼親者則使世婦往弔而內宗掌其禮事以佐之也王后之弔僅一見于女巫職而他無及焉何也內宰正后之服位而詔其禮樂之儀內小臣祭祀賓客喪紀擯詔后之禮事則

后之弔事具矣

外宗掌宗廟之祭祀佐王后薦玉豆眡豆籩及以樂徹亦如之王后以樂羞盥則贊

凡王之豆籩皆玉飾之不言籩文略也眡豆籩者謂在堂東未設時眡其實也盥黍稷也盥不言贊徹者豆籩且贊徹則盥可知矣薦徹豆籩九嬪内外宗三職俱佐后者九嬪始徹内宗受之以傳于外宗然後以授有司故内宗職曰佐傳豆籩也不曰及徹亦如

之而曰及以樂徹不曰王后羞齎則贊而曰王后以樂羞齎則贊者明羣小祀不用樂則薦豆羞齎后或不親而外宗亦不贊也

凡王后之獻亦如之王后不與則贊宗伯

獻獻酒于尸

小祭祀掌事賓客之事亦如之

小祭祀謂宮中門戶竈之類賓客謂女賓客之進見于后宮者若外賓客饗食之事則內宰掌之



大喪則叙外內朝莫哭者哭諸侯亦如之

內內外宗外外命婦若內命婦則九嬪叙之序內哭者與內宗聯事外則其專職也○注及字乃外字之誤

冢人掌公墓之地辨其兆域而為之圖先王之葬居中以昭穆為左右

此昭穆謂繼世而王者

凡諸侯居左右以前卿大夫士居後各以其族

謂王子孫為畿內諸侯王朝卿大夫士者舊說居王墓前後之左右非也王以昭穆序葬于太祖之左右其兆域有定而子孫無窮將無地以容且君臣同域非所以為禮也蓋一王之子孫各為兆域雖以昭穆分左右而諸侯之兆則稍前卿大夫士則稍後耳凡死于兵者不入兆域

死于兵謂罪在大辟及身為不義而見戕者若執干戈以衛社稷可轉絕其兆域乎

凡有功者居前

前者昭穆之中央

以爵等為丘封之度與其樹數

王公曰丘諸臣曰封

大喪既有日請度甫窆遂為之尸

請度請所穿廣袤之度也甫始也始起土為窆祭土  
神則為之尸

及窆以度為丘隧共喪之窆器

隧羨道也丘與隧大小廣袤各有度窆器所以下棺  
豐碑之屬

及葬言鸞車象人

遣車亦設鸞旗象人備也語巾車之官將鸞車及象  
人向壙

及窆執斧以泣遂入藏凶器正墓位蹕墓域守墓禁  
鄉師執斧以泣匠師則此亦泣匠師葬事大故二官  
共臨凶器明器也禁所為瑩限

凡祭墓為尸

或始竈或復土後祭墓域之土示皆冢人為尸也先儒以是徵古有墓祭誤矣凡祭祖考無以異姓為尸者以其氣不相屬也以冢人為尸則外祀可知矣凡諸侯及諸臣葬于墓者授之兆為之蹕均其禁

此即王子孫之為諸侯卿大夫者疏謂統同異姓誤矣外諸侯則自有冢人畿內異姓卿大夫則彼各有祖宗兆域依昭穆而葬墓大夫之所掌也墓大夫職

獨言令國民族葬而不及卿大夫者卿大夫之祖宗  
皆國民也以貴而立廟尚不敢自主其祭而使宗子  
主之況敢去先人之兆域而別葬哉墓大夫職正其  
位掌其度數則兼卿大夫士而非獨庶人可知矣變  
卿大夫士而曰諸臣者兼王族之無爵者而言也以  
葬于王墓之左右故無尊卑皆為之蹕

墓大夫掌凡邦墓之地域為之圖令國民族葬而掌其  
禁令

族葬謂五服之內共葬一所遠者別塋春秋傳同族  
于禰廟禮記絕族無移服親者屬也故知以服內為  
限

正其位掌其度數使皆有私地域凡爭墓地者聽其獄  
訟

私地域者萬民墓地同處而分之使各有區域得以  
族葬也

帥其屬而巡墓厲居其中之室以守之

屬塋限遮列處中之室官寺在墓中者

職喪掌諸侯之喪及卿大夫士凡有爵者之喪以國之喪禮涖其禁令序其事

喪禮令存者喪服士喪既夕士虞餘亡事謂小斂大斂葬曰國之喪禮者自士以上國皆致禮焉與庶人異也

凡國有司以王命有事焉則詔贊主人

有事謂含襚贈賵之屬國有司謂奉王命以至者



凡其喪祭詔其號治其禮凡公有司之所共職喪令之趣其事

公有司公家之有司也喪在鄉則鄉之有司共其物在國則國中之有司共其物各有定制不待王命者則職喪以其制令之趣之

大司樂掌成均之灋以治建國之學政而合國之子弟焉

董子曰成均五帝之學法謂教之簡之之法曰治建

者國之學政如鄉三物則司徒所建大司樂特治之而已其絃誦之時歌舞之節教學之數則大司樂建之而又治之也曰合國之子弟者王子弟公卿大夫之適子國子之倅國之俊選皆造也國子之教于虎門國子之倅掌于諸子者春秋合舞合聲皆入于成均惟士庶子宿衛者宮正教之道藝宮伯行其秩序不復隸大司樂耳竊疑王宮之士庶子即國子與其倅始常入于成均者考其德行道藝上不足任卿大

夫而下不至與不帥教者等故使宿衛于王宮所以  
因材而任其力也

凡有道者有德者使教焉死則以為樂祖祭于瞽宗  
必有道德乃使為大司樂以主教而凡有道德者皆  
使為之佐也

以樂德教國子中和祇庸孝友

興賢能以進于王要其學之成也故必備六德六行  
始學樂者自養其德性則以中和為先而知仁聖義

不可遽求也以孝友為先而睦姻任卹不能徧及也不敬則心不一無恒則業不精故合祗庸以為六德焉

以樂語教國子興道諷誦言語

疏引作詩之義以詁六語非也曰以樂德教國子者非謂樂有此六德謂以樂教人所以養其六德也以樂語教國子者非謂樂之語有此六類謂以樂教人欲其達此六語也興者引彼物以興此事如春秋傳

趙孟曰吾兄弟比以安處也可使毋吠穆叔曰小國  
為繫大國省牆而用之是也道者述古而道其義如  
德正應和曰類故能載周以至于今之類是也諷者  
微吟誦者朗讀言者賦詩以自言其情語者賦詩以  
答人之意也古之人不必親相與言也以禮樂相示  
而已觀春秋傳列國君臣賦詩贈答彼此各喻其意  
非達于六語何能相應如響耶故曰不學詩無以言  
以樂舞教國子舞雲門大卷大咸大磬大夏大濩大武

雲門大卷黃帝樂也大咸咸池堯樂也大磬舜樂也大夏禹樂也大濩湯樂也大武武王樂也獨不及文王之樂者六樂皆陳帝王功德故用之于祭祀二南所稱多后夫人之事故用之閨門鄉黨邦國以化天下也蓋以騶虞采蘋采芣為射節而諸侯之射也先行燕禮卿大夫士之射也先行鄉飲酒之禮其合樂皆終于二南則無地而不用無人而不聞視六樂之用尤切以徧矣

以六律六同五聲八音六舞大合樂以致鬼神示以和  
邦國以諧萬民以安賓客以說遠人以作動物

六律合陽聲者六同合陰聲者十二律以銅為管轉  
而相生黃鐘為首其長九寸各因而三分之上生者  
益一分下生者去一焉國語曰律所以立均出度也  
古之神瞽考中聲而量之以制度律均鍾言以中聲  
定律以律立鍾之均也動物羽羸之屬大合樂乃成  
均習樂之事其用之則可以格鬼神動民物如下文

所列祭祀饗燕之類是也

乃分樂而序之以祭以享以祀

乃奏黃鍾歌大呂舞雲門以祀天神

以黃鍾之鍾大呂之聲為均者黃鍾為陽聲之首大

呂為之合

乃奏大簇歌應鍾舞咸池以祭地示

大簇陽聲第二應鍾為之合地示謂大社

乃奏姑洗歌南呂舞大磬以祀四望



姑洗陽聲第三南呂為之合祀當為祭典瑞職兩主  
有邸以祀地旅四望尚書望于山川春秋傳江漢睢  
漳楚之望也則不得為天神之祀明矣祀天神之樂  
一而祭地示之樂三者神之在天者無形不可以分  
示之在地者異所不容無辨也六樂所致地示五而  
天神則一義亦如此

乃奏蕤賓歌函鍾舞大夏以祭山川

蕤賓陽聲第四函鍾為之合函鍾一名林鍾

乃奏夷則歌小呂舞大濩以享先妣

夷則陽聲第五小呂為之合先妣姜嫄也周特立廟祀姜嫄謂之閼宮蓋諸侯不敢祖天子也商頌推契之自出而舉有娥義亦如此

乃奏無射歌夾鍾舞大武以享先祖

無射陽聲之終夾鍾為之合夾鍾一名圜鍾曰奏者用樂器也曰歌者用人聲也

凡六樂者文之以五聲播之以八音

言六者其均皆待五聲八音乃成也播被也○清溪  
李氏曰每二律歌奏則成二調然通謂之一樂者所  
用同也凡此二律者特為宮耳其餘四聲蓋各以其  
律從以成一調而為八音之節六樂者調也五聲者  
聲也知聲調之分則知古人作樂之法矣

凡六樂者一變而致羽物及川澤之示再變而致羸物  
及山林之示三變而致鱗物及邱陵之示四變而致毛  
物及墳衍之示五變而致介物及土示六變而致象物

及天神

變猶更也樂成則更奏也象物舊說麟鳳龜龍或曰日月星辰成象于天者或曰風雲雷雨之類每變所感各異其義未聞

凡樂圜鍾為宮黃鍾為角大簇為徵姑洗為羽鼙鼓鼙鼙孤竹之管雲和之琴瑟雲門之舞冬日至于地上之圜丘奏之若樂六變則天神皆降可得而禮矣凡樂函鍾為宮大簇為角姑洗為徵南呂為羽靈鼓鼙鼙孫竹

之管空桑之琴瑟咸池之舞夏日至于澤中之方丘奏  
之若樂八變則地示皆出可得而禮矣凡樂黃鍾為宮  
大呂為角大族為徵應鍾為羽路鼓路鼗陰竹之管龍  
門之琴瑟九德之歌九磬之舞于宗廟之中奏之若樂  
九變則人鬼可得而禮矣

先奏是樂以致其神禮之以玉而裸焉然後合樂而  
祭之孤竹竹特生者孫竹竹枝根之末生者陰竹生  
于山北者雲和空桑龍門皆山名春秋傳六府三事

謂之九功九功之德皆可歌也謂之九歌朱子曰五音無一則不成樂周禮祭祀非無商音但無商調先儒謂商調是殺聲鬼神畏商調○管子曰商聲如離羣羊然則其音最悲非祭祀所宜也○天之體動故其感較速地之體靜故其感較遲然天地皆見在之氣而人鬼則已屈之氣故致之為尤難也上言五變而致土示此言八變而地示皆出何也上經列序五地土示者原隰之示耳記曰大旅具矣不足以饗帝

則方澤之祭按之原隰之示其感召必有難易可知  
矣或謂上分樂而為六用之分祭時此合六而為三  
用之合祭時非也圜丘方澤專禮天地無合祭衆神  
示之義所謂天神皆降地示皆出者謂和氣足以動  
天地則神示無不來格耳所用樂與上異其義未聞  
凡樂事大祭祀宿縣遂以聲展之

宿縣前夕豫縣樂器也以聲展者省其完否善惡也  
獨舉大祭祀者視瞭掌大師之縣則凡事用樂以聲

展者皆大師而大司樂弗親也

王出入則令奏王夏尸出入則令奏肆夏牲出入則令奏昭夏

三夏皆樂章名獨令奏三夏者祭祀之樂大師令奏帥國子而舞

當用舞者則帥而往大司樂帥國子而舞非貴游子弟弗用也樂師帥學士而歌徹凡學士皆得與也大胥職凡祭祀之用樂者以鼓徵學士則學士蓋兼國



子與俊選

大饗不入牲其他皆如祭祀

此賓客之大饗也牲殺于廟門外烹之升鼎乃入故曰不入牲

大射王出入令秦王夏及射令奏騶虞詔諸侯以弓矢舞

騶虞召南之卒章舞謂執弓挾矢揖讓進退之儀此諸侯來朝將助祭預于大射者

王大食三侑皆令奏鍾鼓王師大獻則令奏愷樂

大食朔月月半之饋大獻獻捷于祖愷獻功之樂

凡日月食四鎮五嶽崩大傀異裁諸侯薨令去樂大札  
大凶大裁大臣死凡國之大憂令弛縣

四鎮謂揚州之會稽青州之沂山幽州之醫無閭冀  
州之霍山五嶽岱在兗州衡在荊州嵩在豫州華在  
雍州恒在并州傀猶怪也大傀異裁謂天地奇變若  
星辰奔竄地震裂之類大裁水火也疏去樂据廟中

而言弛縣据路寢常縣之樂而言恐未安去樂者屏而不作其日暫也弛縣者日久也知然者諸侯之喪衆多去樂不能久也大臣則數少而情戚春秋傳知悼子未葬杜蕢諫鼓鍾雜記君于卿大夫比卒哭不舉樂是以弛縣也日月食四鎮五嶽崩大傀異裁變雖大一日之事也大札大凶大憂非可一日而弭也則屏樂期有久暫必矣○侯國卿大夫數少故皆以卒哭為期此經所謂大臣乃孤卿以上注疏兼大夫

亦未安

凡建國禁其淫聲過聲凶聲慢聲

過謂高躁之聲慢謂懈惰之聲凶謂殺伐之聲

大喪泣廬樂器及葬藏樂器亦如之

樂器明器也廬興也笙師鐃師簫師司干及眡瞭各主興作所掌樂器而大司樂泣之也

樂師掌國學之政以教國子小舞

小舞即下帔舞以下是也分教以一節故謂之小合

之即以舞六樂

凡舞有帔舞有羽舞有皇舞有旄舞有干舞有人舞

帔舞羽舞皇舞見舞師職旄旌牛之尾干兵器皆舞者所執人舞無所執以手袖為儀社稷以帔辟廱以旄四方以羽宗廟以人山川以干旱暵以皇○鄭剛中曰旄即旌人所教之舞也夷樂散樂賓客之燕樂用之辟廱用旄無所考

教樂儀行以肆夏趨以采齊車亦如之環拜以鍾鼓為

節

樂儀凡行趨登車環拜其節應乎樂者皆是也肆夏采齊皆樂名人君行步以肆夏為節趨疾于步以采齊為節爾雅曰堂上謂之行門外謂之趨然則王出至堂而肆夏作出路門而采齊作其反入至應門路門亦如之此謂步迎賓客若車出則登車于大寢西階之前反降于阼階之前尚書傳曰天子將出撞黃鍾之鍾右五鍾皆應入則撞蕤賓之鍾左五鍾皆應

大師于是奏樂環拜謂羣臣環列而拜也朝位東西及南三面環向天子

凡射王以騶虞為節諸侯以貍首為節大夫以采蘋為節士以采蘩為節

采蘋采蘩見召南貍首見射義皆樂章射義曰騶虞者樂官備也貍首者樂會時也采蘋者樂循法也采蘩者樂不失職也其節見射人職

凡樂掌其序事治其樂政

凡國之小事用樂者令奏鍾鼓

大事則大司樂令奏

凡樂成則告備

凡奏樂八音皆備一曲終則為一成

詔來瞽聾舞及徹帥學士而歌徹令相

來瞽詔眡瞭扶瞽者來入也聾之言號告國子當舞

者舞也令相令眡瞭扶工以退也樂師帥學士而歌

徹承上文小事用樂而言也小師歌徹承上文大祭



祀而言也曰帥則樂師不自歌也小事故使學士即  
事以習聲容

饗食諸侯序其樂事令奏鍾鼓令相如祭之儀

不曰饗食亦如之而覆舉序樂事令奏鍾鼓令相者  
明歌徹則不與也蓋小師職之

燕射率射夫以弓矢舞樂出入令奏鍾鼓

總上祭祀饗食燕射凡其樂之出入皆令奏鼓鍾


凡軍大獻教愷歌遂倡之

師還未至預教瞽矇愷歌入祖廟則倡之

凡喪陳樂器則帥樂官及序哭亦如之

哭此樂器亦序而帥之

凡樂官掌其政令聽其治訟



周官集注卷五